

二六時中 行住坐臥 心心持念 報恩教主

北極玄天上帝天尊大天尊

金科玉律真經

歲次甲辰

虔心恭誦



咒啟仰

合掌
稱念

仰啟玄天大聖者

北方壬癸至靈神

金闕真尊應化身

無上將軍號真武

威容赫奕太陰君

列宿虛危分秀氣

雙睛掣電伏群魔

掣音
同激

萬騎如雲威九地

紫袍金帶佩神鋒

蒼龜巨蛇捧聖足

六丁六甲左右隨

八煞將軍前後衛

消災降福不思議

皈命一心今奉禮

合掌
三拜

禮讚心志 誦虔

合掌
稱念

朝音
同潮

左列聖號，應音同映
豐乾之乾，乾音同錢

志心朝禮 聖父明真大帝

志心朝禮 聖母瓊真上仙

志心朝禮 聖師豐乾大帝

志心朝禮 金闕化身天尊

志心朝禮 玄元顯應天尊

志心朝禮 日光開瑞天尊

志心朝禮 虛星應化天尊

志心朝禮 天一應化天尊

志心朝禮 太一應化天尊

志心朝禮 辰星應化天尊

合掌
三拜

北極玄天上帝天尊大天尊 寶誥

志心皈命禮

合掌
稱念

玄元應化 武曲分真

應音
同映

傳法教主 濟度群迷

普為眾生 消除災障

垂念我等 有相托生

母懷十月 乳哺三年

辛苦百千 慇懃寸念

憐我父母 日漸衰朽

我今持念 金科玉律

禮帝為師 祈恩報本

願我父母 福壽增延

過去父母 早得超生

大慈大悲 救苦救難

北極玄天上帝天尊大天尊 寶誥

大仁大孝 八十二化

應音
同映

報恩教主 佑聖真武

三元總管 九天奕使

佐天北極 佑垣將軍

垣音
同原

鎮天助順 真武靈應

福德衍慶 治世福神

玉虛師相 玄天上帝

仁慈正烈 金闕化身

終劫濟苦 蕩魔天尊

合掌
三拜

開經偈

合掌
稱念

夙世恩報德 誦經禮元皇

永享無期壽 道心超然法

希夷開大有 真氣雜氤氲

氤氲音
同因暈

神飛神仙路 七祖昇天堂

合掌
一拜

合掌
稱念

皈命

北極玄天上帝天尊大天尊

三稱
三拜

北極玄天上帝
天尊大天尊

金科玉律真經

虔敬
合掌

帝號治世福神 鎮北天大將軍

遊巡諸天諸地 掌握世界乾坤

扶助末劫大道 護佑國王大臣

不忍五濁惡世 眾生受苦遭辛

旱澇饑饉疾疫 水火劫盜刀兵

澇饑饉音
同勞績緊

天下江南江北 朝病暮死七分

帝向三元八節 三會五臘生辰

斗降七齋三七 本命甲子庚申

臘月二十五日 親隨玉帝降臨

統率千真萬聖 檢察下界人民

紀錄作善作福 較量罪福重輕

輕則減死一半 重則死絕滅門

善者得見天日 惡者不見太平

信者得度末劫 不信喪命亡魂

檢舉不忠不孝 抄錄無義無仁

貧不安分守己 富不念老憐貧

輕重長短秤尺 大小斛石斗升

買賣欺瞞良善 交關舉用不平

使盡機關腸肚 惡心害眾欺群

兩舌惡口鬥亂 教唆州縣鄉村

恣意慳貪嫉妒 是非人我爭瞋

恣音慳音
同自同千

不識善惡因果 不畏天地神明

強梁不得老死 結冤促壽除齡

故遣天將抄錄 疥癬麻痘災瘟

疥音麻音
同介同林

肚痛赤眼瀉痢 惡瘡膿血淋漓

痢音
同立

北極玄天上帝
天尊大天尊

金科玉律真經

咽喉急風唾毒 寒熱咳嗽呻吟

打算未盡劫數 十磨九難不輕

天遣帝王治世 滅除惡黨紛紛

似帝當初學道 直磨鐵杵成針

杵音
同楚

治盡不平等輩 方始大地成金

諭勸世人敬信 聽帝旨說叮嚀

不可聽聞藐藐 各依戒律倡諄

漸見太平年到 上元甲子當旬

自此風調雨順 田蠶五穀豐登

天下安居樂業 人民歌吟歡欣

到此人身難得 各宜修省思尋

更有泰山東嶽 速報立報司存

莫道造惡不報 直待惡貫滿盈

北極玄天上帝
天尊大天尊

金科玉律真經

莫道修善無應 直待善果圓成

若有人間私語 天上聽若雷霆

不可欺心暗室 神目如電光熒

熒音
同迎

陰陽誤喪人命 脩犯地曜天星

脩音
同休

醫藥誤傷人命 方脈指下不明

僧道師人積罪 貪求施利食葷

似此誦經有罪 差訛字句不真

訛音
同娥

溺死兒女有罪 千生萬劫冤親

切戒殺食物命 放火燒害山林

積累無邊罪孽 冤冤報屈難伸

切莫殺食牛犬 免墮萬劫沉淪

告報行法弟子 天條不可不遵

愛惜一切字紙 付諸水火漂焚

帝德好生惡殺 簿書日夜具呈

陽有陽間罪孽 陰有陰司典刑

請看冥司錄載

合掌
三拜

勸世戒文

太上感應篇云：

造作善善惡惡 報應如影隨形

一勸敬重天地 心香一炷晨昏

二勸孝養父母 堂前生佛二尊

三勸皈依三寶 儒釋道教同倫

四勸修齋佈施 報答四重深恩

五勸善男信女 持齋念佛看經

六勸州縣官吏 治民如水之清

北極玄天上帝
天尊大天尊

金科玉律真經

七勸救濟孤殍

四生六道苦輪

殍音替

八勸富家布施

架橋砌路修因

砌音企

九勸九流技藝

三六九字同倫

十勸廣行陰德

福及子子孫孫

但存方寸心地

留與後代耕耘

所作總依本分

與人方便樸淳

若以遞相傳寫

帝當護汝於陰

家有一本供養

全家老幼安寧

身有一本佩帶

免遭一切災迍

迍音諄

若寫五本奉勸

壽增半紀餘齡

若寫十本奉勸

一紀壽算增新

印施百千萬本

名同佑聖真君

當境城隍里社

歡喜保舉奏聞

北極玄天上帝
天尊大天尊

金科玉律真經

三界四府列祠 帝同保奏天庭

北府消除罪籍 南司註上生名

現存獲福無量 九玄七祖超昇

上號金科玉律 下曰勸世戒文

更有能行正直 不昧陰空鬼神

不以祭享加福 不以不祭生迺

迺音
同諄

有福休誇俊麗 無福休怨鬼神

欲知前世因果 今生受者之身

欲知後世因果 今生作者之心

人能知時速改 切莫更待因循

上帝敕示戒語 流傳往古來今

合掌
三拜

北極玄天上帝寶誥

合掌
稱念

世運主宰 刑賞權衡 獨居清靜

統治天人 執符御曆 鎮隱攝明

於穆皇矣 體道含真 駕馭立德

降衷下民 範圍宇宙 鼓舞乾坤

上窮九級 下貫萬靈 一誠在抱

四時措行 四眾之母 六合之精

以終以始 有陽有陰 純粹之氣

渺冥之形 巍巍至德 蕩蕩莫名

巍音
同危

妙蘊玄素 宏含淵深 聲臭俱泯

臭音
同秀

中和且平 綱維倫紀 振作聖經

泯音
同民

圖延絕學 治世帝君

合掌
一拜

北極玄天上帝格言

合掌
稱念

矯妄求榮 名譽不揚

剋剝致富 子孫遺殃

行恩布施 福祿來祥

寡欲薄味 壽命彌長

毋欺暗室 毋昧三光

正直無私 志心忠良

天地介祉 神明衛傍

延生度厄 必濟時康

合掌
一拜

完經讚

合掌
稱念

玄天上帝 位鎮北尊

足踏龜蛇伏魔軍

持劍定乾坤 功德難倫

祈禱赴群心

合掌
一拜

合掌
稱念

皈命

北極玄天上帝天尊大天尊

三稱
三拜

迴向偈

合掌
稱念

願以此功德 悉歸一切眾

父母與宗祖 消災增福壽

禮帝為本師 滅盡貪嗔癡

皈命無上尊 速證無上道

合掌
三拜

附錄 淨地解穢神咒

乾囉怛那音同錢羅答那
罡音同剛

合掌
稱念

天地自然 穢氣分散

洞中玄虛 晃朗太元

八方威神 使我自然

靈寶符命 普告九天

乾囉怛那 洞罡太玄

斬妖縛邪 殺鬼萬千

中山神咒 元始玉文

持誦一遍 卻病延年

按行五嶽 八海知聞

魔王束手 侍衛我軒

凶穢消蕩 道氣長存

急急如律令

合掌
三拜

戒十真修 錄附

恭錄自
北極真武普慈度世法懺 卷之一


- 一、不得陰賊潛謀 害物利己
- 二、不得殺害含生 以充滋味
- 三、不得淫邪敗真 穢慢靈氣
- 四、不得敗人成功 析交離親
- 五、不得露才揚己 讒毀善良
- 六、不得飲酒過差 食肉違禁
- 七、不得貪婪無厭 積財不散
- 八、不得交遊非賢 居處雜穢
- 九、不得不忠不孝 不信不仁
- 十、不得輕忽言笑 舉動乖真

錄附

原文係玄門嗣教未儀 趙宜真
修改於 西元二零一三年後

昔 太清上帝 第八十二次化身
托聖父 淨樂國王、聖母 善勝皇后
降生為太子 十五歲
即辭親去國隻身入太和山中修道
歷四十二年 功成沖舉 位鎮北方
玄天上帝感父母生恩之重 故說此經
若有善信男女 體玄天聖訓
以孝道存心 持齋三年
禮念聖號一萬八千遍
以按道經一藏篇目之數
以答父母三年乳哺之恩
有志之士 又能尋詳經義 精進道功
雖億劫四重之恩 皆可以報
而九幽三途之苦 亦可以濟矣
豈但報父母之恩而已哉
傳曰
仙經萬卷 忠孝為先
又曰
一子學道 則九祖生天 其斯之謂歟

附錄 持念聖號



持念「報恩教主」四字洪名聖號
每滿十遍即以異色筆劃記一圓圈
行住坐臥 無有間斷 於三七日
甲子庚申 三月初三 九月初九
迴向父母 過去父母 其功尤甚

恩報美彰



濟博施廣



UPDATE
FORM
WEBSITE



北極玄天上帝經文集選

Ver. XuanWuSC 0120240920